



کمنتريين حال احوال دالم نكري KEMENTERIAN HAL EHWAL DALAM NEGERI

SIARAN AKHBAR

GERAI RAMADAN DI BAWAH KAWALAN JABATAN-JABATAN BANDARAN, JABATAN-JABATAN DAERAH DAN JABATAN BELIA DAN SUKAN DITIADAKAN

1. Ke arah mempertingkatkan lagi langkah-langkah membendung penularan COVID-19 di Negara Brunei Darussalam dan demi kesejahteraan dan keselamatan orang awam, serta berpandukan kepada nasihat Kementerian Kesihatan; Kementerian Hal Ehwal Dalam Negeri dan Kementerian Kebudayaan, Belia dan Sukan ingin memaklumkan kepada orang ramai bahawa semua gerai Ramadan di bawah kawalan Jabatan-Jabatan Bandaran, Jabatan-Jabatan Daerah dan Jabatan Belia dan Sukan yang lazimnya diadakan di sepanjang bulan Ramadan adalah ditiadakan pada tahun ini.
2. Ianya juga sebagai langkah berterusan pihak Kerajaan untuk menjaga kesihatan dan keselamatan orang ramai dengan mengelakkan daripada menghadiri ke tempat perkumpulan secara beramai-ramai dan keperluan untuk mengamalkan penjarakkan sosial di tempat awam selaras dengan nasihat Kementerian Kesihatan.
3. Sebagai alternatif kepada peniadaan gerai Ramadan pada tahun ini dan bagi memastikan peluang perniagaan pada bulan Ramadan tetap ada, Kementerian Hal Ehwal Dalam Negeri melalui Jabatan-Jabatan Bandaran dan Jabatan-Jabatan Daerah serta Jabatan Belia dan Sukan akan menyelaras inisiatif perkhidmatan perniagaan secara dalam talian (*online*) untuk membantu peniaga-peniaga dengan khidmat nasihat menggunakan portal **www.ekadaibrunei.bn**, iaitu sebuah portal direktori dalam talian yang menyediakan pautan laman sesawang ke platform-platform 'eDagang' tempatan, penyedia-penyedia perkhidmatan penghantaran dan logistik. Projek ini merupakan usaha sama antara Kementerian Pengangkutan dan Infokomunikasi, Kementerian Hal Ehwal Dalam Negeri, Pihak Berkuasa Industri Teknologi Info-komunikasi Negara Brunei Darussalam (AITI) dan Darussalam Enterprise (DARe) yang diumumkan oleh Yang Berhormat Menteri di Jabatan Perdana Menteri dan Menteri Kewangan dan Ekonomi II, pada 28 Mac 2020 semasa Sidang Media Situasi Terkini Jangkitan COVID-19.

4. Kementerian Hal Ehwal Dalam Negeri berharap orang ramai khususnya peniaga-peniaga Gerai Ramadan akan memberikan kerjasama dan sokongan kepada inisiatif projek eDagang ini demi menjamin kelangsungan perniagaan para pengusaha Mikro, Kecil dan Sederhana (PMKS) di negara ini dan seterusnya dapat memenuhi permintaan pelanggan semasa bulan Ramadan ini. Sama-sama kita berdoa semoga keadaan yang dihadapi ini akan membawa hikmah kepada kemajuan perniagaan peniaga-peniaga di masa akan datang. Dalam masa yang sama, peniaga-peniaga juga digalakkan untuk mencari alternatif lain yang difikirkan bersesuaian seperti penyediaan perkhidmatan penghantaran terus ke rumah-rumah pelanggan.

5. Untuk maklumat lanjut, orang ramai, khususnya peniaga-peniaga gerai Ramadan, bolehlah menghubungi pihak AITI di talian +673 2323232 atau eKadaiBrunei@aiti.gov.bn dan DARE Helpdesk, di talian +673 8363442 / +673 2384830 atau info@dare.gov.bn dan juga Jabatan-Jabatan Bandaran dan Jabatan-Jabatan Daerah serta Jabatan Belia dan Sukan semasa waktu bekerja dan di luar waktu bekerja mengenai inisiatif perkhidmatan perniagaan secara dalam talian (*online*) yang disediakan oleh pihak Kerajaan.

Jabatan	Nombor Perhubungan	
	Semasa Waktu Bekerja	Di Luar Waktu Bekerja
Jabatan Daerah Brunei dan Muara	2381454	8840271
Jabatan Daerah Belait	3334335/6/7 ext 1111 / 1125	8711316
Jabatan Daerah Tutong	4222491 ext 133	7233954
Jabatan Daerah Temburong	5221266/5 ext 117	8371724
Jabatan Bandaran Bandar Seri Begawan	2232424 ext 131	8872958
Jabatan Bandaran Kuala Belait dan Seria	3340631	8872233
Jabatan Bandaran Tutong	4221232 ext 200	8117115
Jabatan Belia dan Sukan	2381903/4/5 ext 1329 / 1311	8762007

-TAMAT-

**Kementerian Hal Ehwal Dalam Negeri
Negara Brunei Darussalam**

12 Syaaban 1441H / 06 April 2020M